




H. XIII. 8




Nova-Tacina. Liter.

937.  
I







Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



D. O. M. A.  
Miscellaneorum  
DECADIS III.  
EXERCITATIO VIII

Adl. 32

De

# IUSTITIA

PARTICULARI ET MAN-  
SVETVDINE.

Practico-Philosophica.

*Pro disputationis exercitio ad sententiarum  
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico.

*Respondentis partes expediente*

JOANNE DORSCHIO

Dantiscano Borusso.

*Ad diem 14. Aprilis. S. N.*

In Acröaterio Philosophico.

Horis ab 7. matutinis.

---

GEDANI. Typographo GEORGIO RHETIO ex-  
scripta. ANNO 1638.



D. C. M. A.  
M. C. H. A. N. G. E. L. I. A.  
D. C. M. A.  
EX. R. O. T. A. T. I. O. V. I. I.

IVSTITIA

PARTICULARI ET MAN.

SVETVDI

Fastio. P. I. O. N. I. C. A.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

IVSTITIA

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.

Ex. R. O. T. A. T. I. O. V. I. I.



# De Justitiâ parti- culari & Mansuetudine.

## I.

**M**ulti sunt S. Ambrosius, Basilus, Aristoteles, Plinius, Plutarchus, aliq<sup>q</sup> in admiratione Echeneidos s. remora, exilis pisciculi, qui vastissimas navium moles plenis ventorum turbinibus agitata nullo labore, non detinendo, non obsequendo, non manus ingiendi, moliendo, aliove modo, sed solum adherendo remoratur, & à cursu avertit. Haud minus miranda est vis virtutis, quam justiciam appellare consuevimus, quæ ubi hominis animo semel insedit, nullâ vi, nullo molimine, a. tractu, sed suavi inclinatione adeo deflectit, ut non possit velle, nisi justa: non desiderare, nisi quod jubente justitiâ sibi suisq<sup>q</sup> æquitas addicat; non possidere aut retinere, nisi quod eadem assignante tribuatur: adeo deniq<sup>q</sup> in versando cum alio rectum incedere, ut quod olim de Fabricio Romano ferebatur, facilius Solem è cursu suo præcipites, quam hunc à recto justog<sup>q</sup> æquitatis tramite. Quod si injustum intervenit, remoram contiliat: ne, quod pravitate inchoatum, atrociores scelere compleatur. Ducem quendam, Muricam nomine, salutarem remoram nominatum ex Pierio Valerio Marlianus c. 2. th. Polit. tradit, quod à Rege in Civitatem Guido ad juvenes universos castrandos, (hoc n. facturum Rex furore jura-



verat, ) missus, tantum mora in itinere traxerit, ut isti re-  
comperat veniam exorare, factumq; mutatio Rege, avertere  
potuerint. Inde salus genti extitit: fama moram interponen-  
ti. Ergo tam sancte utilisq; Virtutis adeunda jam sunt pene-  
tralia, in quibus semper aequi probiq; respectus religiosâ cum  
observatione versatur, nihilq; utile, quod ab honesto alienum,  
estimatur. Jam post homileticas unâ cum mansuetudine, fas  
est eam discutere.

2. Fuerunt Virtutes Conversationem dirigentes. Vi-  
denda sunt virtutes, actiones nostras cum alijs gubernan-  
tes. Nam in Conversatione vel familiaritatem, vel actionem  
aliquam regendam esse d. 7. t. 2. & d. 3. t. 17. diximus. De  
familiaritate regendâ precedens exercitatio egit. Actio est  
vel nostra alijs exhibita, vel aliorum nobis. In actione nostrâ  
cum alijs justè nos habeamus, quorsum inclinât justitia: In  
aliorum erga nos mansuetè & humaniter nos habeamus, quor-  
sum mansuetudo & Clementia. Utraq; hac exercitatione lu-  
stranda.

3. Justitia particularis vel quâ præcognitionem spectari  
queat, vel cognitionem. Præcognitio expendet, An nova &  
peculiaris virtus distincta à cæteris virtutib. particulari-  
bus sit justitia particularis? Esse talem à naturâ oppositorum  
& formali ejus ratione patet. A naturâ oppositorum, nam  
injustitia particularis est peculiare vitium morale distinctum  
ab omnibus reliquis. Nam qui plus justo accipit, nec intempe-  
rans, nec audax timidusue, nec mendax, rusticanus, illibera-  
lis aut ambitiosus dicitur, sed præcisè injustus, peculiari vitio  
moralis. E. & opposita isti vitio virtus est distincta moralis  
virtus, quæ justitia particularis. Oppositorum n. similis est ra-  
tio quâ cognitionem & distinctionem. A formali ratione,  
quia nulla cæterarum particularium virtutum medium in di-  
stri-



*stributione & commutatione rerum externarum servat, ut nec plus nec minus, ac par est, capiatur, quàm sola hac justitia particularis. At hoc peculiare munus & formale virtutis est. E. ex eo etiam peculiaris & distincta à cæteris virtus exurgit, quæ mediocritatem circa tale objectum tali modo componat. In contrarium obvertitur, quòd justitia omnes virtutes velut species sub se comprehendat: sit mater & nutrix cæterarum virtutum: non versetur inter duo extrema sibi opposita, ut virtutes speciales solent, sed unum, injustitiam: nulum affectum s. motum hominis internum moderetur & ad mediocritatem componat: sit hominis bonum alienum & ad alium referatur, ut docetur 5. Nicom. c. 3. Cum virtus sit bonum possidentis proprium: Et injustitia non speciale vitium, sed commune omnium vitiorum adjunctum sit. Quid his reponendum, per discursum dicitur. Quædam ex d. 3. t. 10. d. 4. t. 6. 7. 26. patent. Conf. Timpler. 3. Fch. c. 10. q. 1. Strevsdorf. d. 1. & jur. q. 59. a. 1. q. 57. a. 7. 8.*

4. PræCognitio justitiæ particularis fuit: Sequitur Cognitio, quæ nominalis & realis. Nominalis per homonymiam, Etymologiam, & synonymiam. Hac in voce justitiæ d. 4. t. 2. 3. 4. visa sunt. Interdum vocatur & æquitas. Vt in illo Ulpiani l. 1. ff. d. pact. Hujus edicti æquitas naturalis est, i. e. decretum naturæ justum est. Interdum æquitati contradistinguitur. V. d. 4. t. 23. Interdum notat concordiam & consensum rerum, ut cum justè factum dicitur, quod consentaneè & cum partium velut concordia actum est: Interdum virtutem specialem ad jus suum cuiq; reddendum disponentem, Vt hic. Vox particularis interdum notat oppositum singulari, ut cum propositio alia particularis, alia singularis dicitur: Interdum ipsum singulare, ut cum individuum particulare quid in specie dicitur: Interdum utrumq; indifferenter, ut cum in modo

*Varij Minor particularis iubetur esse, ubi comprehenditur singularis: Interdum aliquid, quod in agendo ad certos effectus est determinatum, quomodo cause particulares dicuntur, quae certa in suo genere agunt, non omnia: Interdum quod circa particularia objecta occupatur. Sic sapor sensus particularis, quia determinati objecti, sapidi: sensus communis Universalis, quia omnium objectorum sensilium: Sic disciplina Philosophica, Physica, Pneumatica, Arithmetica, particulares, quod particulare objectum Philosophiae delibent: Metaphysica universalis, quod Ens ut ens in universâ latitudine speculandum assumat. Hoc modo iustitia particularis dicitur, quod circa determinatum objectum, cuius moderationem praescribit, occupetur, ut d. 4. t. 26. dictum. Dicitur & iust: moralis, ut universa legalis dicebatur.*

5. *Nomine visores ipsa in definitione, objecto, proportionem, divisione, effectis & oppositis spectatur.*

6. *Definitio sit: Iustitia particularis est virtus moralis directa, medium prudentiae in usurpatione rerum externarum, in quibus plus a. minus, lucrum aut damnum locum habet, servare faciens.*

7. *Ex genere dicitur Virtus moralis directa. Haec ex d. 3. t. 17. patet. Differentia à formali ratione versandi & objecto est sumpta. Formalis ratio est medium prudentiae in rebus externis servare facere. Medium prudentiae ex d. 3. t. 14. Servare facere ex d. 5. t. 6. patet. Prudentia medium hic paulò aliter, quàm in reliquis virtutibus moralibus servari testatur Aristot. 5. Nicom. c. 9. Et ex duobus patet. 1. Medium iustitiae non versatur inter duo extrema actu & realiter distincta, ut cæterarum virtutum, ut liberalitas inter avaritiam & profusionem, fortitudo inter audaciam & timiditatem, temperantiam inter intemperantiam & insensualitatem*



*tatem, quæ extrema realissimè sunt distincta, ut actionibus distinctis & contrariantibus constituentur: Vt & uni subjecto in unâ actione simul convenire obrepugnantem naturam nequaquam possit. V. d. 4. t. 27. Sed ratione & virtute tantum distincta, ut quoad rem quidem sit unum vitium, quoad rationem tamen formalem & considerationem Ethicam duplicem anomiam in se habeas, & excessum, ratione pluris, quod quis capit, quàm sibi debetur, & defectum, ratione minoris, quod alteri confertur, quàm ipsi debetur. Et si utrumquæ istud vitium Ethicè spectatum, uno tantum nomine injustitia vocetur. V. d. 3. t. 10. E. g. injustus in vendicandâ sibi alienâ pecuniâ uno eodemq; actû quoad rem & essentiam, duplicem committit vitiositatem quoad rationem & considerationem Ethicam: & excessum, dum sibi plus vendicat, quàm jure debetur: & defectum, dum alteri minus relinquit de suo, quàm ipsi jure debetur. 2. Medium justitiæ & rationis est medium, quale omnis reliquæ virtutis, V. d. 3. t. 8. 14. & rei, quod non est in cæteris virtutibus, ut nempe quoad rem ipsam absolute nec plus nec minus capiatur, quàm par est, non attentâ conditione personæ, temporis, loci, dignitatis, nisi peculiaris necessitas intercurrat, ut post patebit. &c. Hoc medium Arithmeticum & rei imprimis in justitiâ commutativâ servatur, ubi vi justitiæ aequalitas rerum, non personarum s. conditionis personæ attendi dicitur. Ita ut a quo pretio aqua generosioris vinum vendere cogaris rustico aut bubulco, ac venderis Consuli, aut secus faciens à virtute deviare censearis. Quanquam & hic dici potest observari medium rationis formaliter, etsi sit rei materialiter. Omnis virtus servat medium rationis ex se & formaliter, in quantum virtus est, i. e. prout recta ratio ex judicio viri prudentis ratione omnium circumstantiarum & cæteris paribus determinaverit: si hoc*

cum medio rei coincidit, per accidens & materialiter id est, non eligitur à virtute, ut præcisè medium rei, sed ut rationis est: in hoc enim casu recta ratio tale medium dicitur, & sic quà à ratione servandum dicitur, à virtute servatur, atq; ita in formali suo, quod ad virtutem habet, omninò medium rationis dici potest. Sic igitur iustitia particularis medium prudentiæ servabit, nec sumendo plus, quàm sibi debetur, nec tribuendo minus, quàm alteri debetur, & in rerum commutatione, ubi contractus sunt, & distributione, ubi præmia aut incommoda occurrunt. Sic etsi commutativa aequalitatem rerum simpliciter spectet: tamen ratione variarum circumstantiarum eam spectat: pretium n. rerum statuendum vel pro copiâ earum, vel nostrâ indigentia. Sic cum annone est copia, pretium decrescit: cum inopia, accrescit. Et sic medium prudentis rationis etiam hic servatur. Casus l. 5. sp. mor. c. 3. om. virtutem servare medium rationis respondet, si actum spectemus, non si habitum a. proportionem. Sed alienè hac opponuntur. Habitus virtutis & actus virtutis ab habitu profectus idem servat medium eandemq; proportionem. Rationis formaliter, rei interdum materialiter. Dices: Tale medium & in temperantiâ servari potest, nam castitas docet uti propriâ uxore simpliciter, nullâ circumstantiâ reliquâ attentâ, nunquam permittit alienâ uti. E. & hic medium rei est. R. Hec concurrit & temperantiâ & iustitiâ. Temperantiâ, quâ modus ponitur Veneri, nec illicito tempore, loco, modo, illa exerceri jubetur, sic est medium rationis: Iustitiâ, quâ ab alterius uxore simpliciter abstinere jubetur, & sic alteri, quod suum est, relinquitur: sic est medium rei propter iustitiâ, quâ rem ipsam: quâ rationem prudenter id dicentem medium Rationis.

8. Circa hoc medium prudentiæ in iustitiâ observanda sunt duo. 1. Ratio & causa, quæ ad illud servandum nos indu-



doceat. Hic cogitet homo, 1. Naturæ præceptum esse, quod tibi  
 fieri vis, id alteri feceris: & quod tibi fieri non vis, alteri  
 non feceris. Hoc fundamentum est omnis justitia in vitâ com-  
 muni servanda, & naturæ à DEO inditum, ac à Christo repeti-  
 tum est. Matth. 7. v. 12. Luc. 6. v. 31. & à Tobia seniore fi-  
 lio præscriptum. Tob. 4. v. 16. Severus Imperator in pala-  
 tio & publicis operibus illud perscribi jussit, & frequentissimè  
 in ore habuit. Lamprid. in vit. ejus. Et si fundamentum o-  
 mnium præcisè virtutum non sit: justitia tamen inter homines  
 colenda rectè esse dicitur. Exhaust enim totam illam pariem  
 juris naturalis, quod officium nostrum erga homines continetur,  
 ut neminem ledere, & cuiq; suum tribuere. Circa sensum e-  
 jus nota, 1. Quod voluntas nostra sit regula officij erga alium  
 præstandi, non qualitercunq; se habens, sic enim turpe quid si-  
 bi volens, faceret idem alijs: sit inebriari volens inebriaret a-  
 lios, ad scortandum invitari volens invitaret eò alios: sed ut  
 benè ordinata, rectificata, perturbationibus vacua, ac ad  
 lumen naturale probè conformata est. Sic quod nobis fieri vel-  
 lemus, præstare debemus alteri: & quod nobis fieri nolumus,  
 alteri exhibere non deberamus. Sic si nobis, cum miseri essemus,  
 eleemosynam à ditioribus erogari velimus, debemus & ean-  
 dem pauperibus erogare. 2. Quod voluntas sit regula officij  
 non in sensu identico & formali, ut quod ab alijs nobis fieri  
 volumus, idem in specie vel numero alijs faciamus: sic enim  
 heri cogerentur servis suis servire, nam id sibi à servis fieri  
 volunt: Magistratus cogeretur subditis parere, nam id à sub-  
 ditis sibi fieri vult: Et idem numero vinum, quod pro me e-  
 missem, pro altero emere cogeret, quod impossibile: Sed a-  
 nalogico & hypothetico, vel simile officium, vel idem, si sci-  
 licet nos illorum loco essemus, notante. Sic si nos servi esse-  
 mus, vellemus heros benignos esse. Tales ergo & servi esse-  
 de-

debemus, cum heri sumus. 2. Æquum esse, homines justitiam inter se colere, cum in brutis imaginem ejus observemus. Sic Ciconia & vultures Africani gratitudinem exercent. V. Scalig. ex. 231. l. 4. Elephantis adulteria horrent, & equitatem rigidè observant. Aristotel. l. 5. hist. an. c. 14. l. 9. c. 46. Cameli cum matribus nunquam congregiuntur. Id. l. 9. c. 47. Iniquum autem est, hominem à brutis in virtute colenda superari. 3. Exempla justorum & ob id laudatorum frequenter adspiciet, ut Aristides, Solonis, Agesilai, Salomonis, Lycurgi, aliorum, quæ Zvingerus vol. 14. l. 6. suppeditat: & injustorum, ac ob id vituperatorum, ut Lysandri, Neronis, Caligula, aliorumq, quæ apud eundem vol. 16. l. 1. vide. 4. Christianus etiam scripturæ præcepta de colendâ justitiâ considerabit. Exod. 23. v. 1. 2. 3. 6. 7. 3. Lev. 19. v. 35. 36. fugiendâ injustitiâ. 1. Thesl. 4. v. 6. 2. Tim. 2. v. 19.

9. 2. Modus, juxta quem illud medium prudentia in justitiâ particulari est observandum. Hic communiter proportio vel proportionalitas dicitur, cujus frequens in hac materiâ est mentio, de quâ consequenter jam aliquid est præcipiendum. Debet justitia lucrum seu nimium commodum, quod unus in aliquo actû injusto sentit, & nimium damnum seu incommodum, quod alter, cui injuria facta, expertus est, ad æqualitatem redigere, ut c. 12. patebit. In eo enim est iniquitas, quod alter plus boni sentit, quàm par fuit: alter plus damni, quàm ipsi debitum fuit. Queritur, quam proportionem & analogiam justitia servare debeat, ut istam iniquitatem ad medium redigat, ut fiat æqualitas, & sic fundamentum justitiæ introducat? Proportio, voce Mathematicorum propria, dici potest certa quardam numerorum & magnitudinum ad sese comparatio & collatio. Estq, primaria & secundaria. Primaria, quæ primario in numeris & magnitudi-

dini-



dinibus observatur. Est vel Arithmetica, cum perfecta equalitate numeri à se distant, ut 2. 4. 6. 8. Qui omnes binitate à se distant: vel Geometrica, cum numeri duplâ vel majore proportionem inter se distant, ut quoties primus continetur in secundo, toties secundus in tertio, tertius in quarto, & sic consequenter; ut 4. 8. 16. 32. 64. Hic ut 4. bis est in 8. Sic 8. bis est in 16. & 16. in 32. &c. vel Harmonica, cum tanta est numeri maximi ad minimum proportio, quanta differentia intercedentis inter duos majores ad differentiam inter duos minores. Ut 3. 4. 6. 3. & 6. sunt numeri maximi & minimi. 2. est differentia inter majores 4. & 6. intercedens, 1. inter minores 3. & 4. Ut 6. tanquam maximus bis continet 3. tanquam minimum: ita differentia majorum 4. & 6. nempe 2. bis continet differentiam minorum, 3. & 4. nempe 1. Secundaria, quæ secundariò interdum attenditur. Et statuitur quibusdam 1. Directa, cum primus cum secundo, tertius cum quarto directè comparatur. Ut, sicut 3. ad 6. Sic 12. ad 24. 2. Permutata, cum primus cum tertio, secundus cum quarto permutatur. Ut, sicut 6. ad 18. ita 12. ad 36. se habent, in proportionem nempe triplâ utrumq. 6. enim ter in 18. & 12. ter in 36. continetur.

10. Adeandem rationem per analogiam extendendo voces proportio Ethica potest dici actuum moralium certa inter se comparatio, ad æquitatem conformata. Estq. etiam vel Arithmetica, in quâ attenditur equalitas rerum commutandarum ex se & suâ mensurâ ac pretio, non attentâ contrahentium dignitate aut merito. Hanc in just: commutativa servari dicunt, ubi v. g. vinitor cum agricolâ frumentum permutare vult. Modius frumenti 1. fl. venditur, vas vini 8. fl. Redigendo ad equalitatem simpliciter proportio valoris rerum attendenda, ut res permutata fiat pretio tanta, quantum valet permutanda, nullo habito respectu personarum,

N n

qua, vel quales illa sint. Ita pro vase vini 2. modij frumenti  
 dandi: ita equaliter servari est proportio, ut gentri a. damnum  
 majus aut lucrum apportetur, sed valore pretij tantum agri-  
 cola accipiat, quantum vinitori commutavit: Vel Geome-  
 trica, in qua per se ratio personarum quantum ad meritum,  
 & rerum distribuendarum, quantum ad pretium, attenditur.  
 Vt enim in Arithmetica proportio Geometrica non nudam di-  
 stantiam numerorum, sed rationem proportionalis continen-  
 tia attendit: Sic in Ethicis hac non nudas res, sed rerum pre-  
 tia personarum meritis moraliter per se debet adaequare.  
 Hanc in distributivâ servari ajunt. Sic pr. da inter ducem,  
 Capitaneum, & milites distribuenda. Dux seu 12. Capita-  
 neus ut 6. miles ut 3. habeat, ex praesumpto majore minoreq;  
 labore & merito. Dux enim universa ordinat, disponit, prae-  
 cipit. Capitaneus suo signo ea intimat: Miles exequitur. Ergo  
 equaliter vi justitia distribuendo Ethicè duci 1000. taleri, Ca-  
 pitaneo 500. & militi 250. cedent in praeium, quia tantâ pro-  
 portione morali merita eorum aestimantur. Hic qualis est ra-  
 tio Ducis ad Capitaneum, nempe dupla, & Capitanei ad mili-  
 tem, etiam dupla: Talis & erit distributio rerum, Duci, capi-  
 taneo, & militi, distribuendarum. Vt ubi miles 100. taleros  
 accipiat, Capitaneo 200. & Duci 400. assignentur. Harmo-  
 nica proportio in moralibus etiam quibusdam commenda-  
 tur, ut summè utilis & judiciofa, quae temperamentum exa-  
 ctum meritorum & premiorum servet, ut Bodino l. 6. d.  
 Rep. c. 6. p. 1094. & in meth. hist. c. 6. Alstedio Polit. 2.  
 c. 7. §. 4. Keckerm. d. 32. Curs. Philoso: q. 1. Timplero l.  
 3. Ethic. c. 10. q. 11. aliisq;. Sed vix in hac certum & immo-  
 tum formale constitui potest, quod distributionis sit norma &  
 fundamentum: Sed ubi ad ultimum devenitur, arbitrio &  
 prudentiae judicis ac Majestatis omnia committuntur. Quod  
 &



& incertum & perniciosum est, ut Arniseus dis. d. prop. Arith. t. 2. loquitur. Cumq; omnis aequalitas, quam justitia moralis observat, vel ex personarum merito & dignitate aestimetur, ut in distributione: vel rerum ipsarum aequalitate, ut commutatione, frustra ad tertiam ac mediam aequalitatem, quam harmonica proportio constituat, recurritur, quæ & nulla est inter illas duas: & si esset, in moralibus frustranea esset. In commutativâ justitiâ prop. Arithmeticam, in distributivâ Geometricam servari ajunt, de quo in speciebus justitiæ videndum.

II. Ex objecto dicitur justitia medium servare in usurpatione rerum externarum, in quibus lucrum aut damnum locum habere potest. Objectum justitiæ particularis vel potest esse internum, ut affectus concupiscendi lucri, aut damni alij inferendi: vel externum, ut res quavis externa, in quâ ratio lucri aut damni inveniri potest. Res hac externa uno nomine appellari nequit, sed varias diversissimasque rerum species sub se comprehendit. Generaliter illa res externa omne contrahibile & distributivum dici potest. Sub contrahibili omnia illa objecta comprehendantur, quæ justitiæ commutativæ subjici solent, quæ contractus dici solent: voce nimis strictâ, quandoquidem plura sub se comprehendit, quàm contractus, ut hereditates, acceptiones & dationes, &c. Sub distributivo illa, quæ tanquam publica in partes secundum portionem cuiq; debitam pro quantitate & proportionem summae distribui debent, ut præmia & onera. Usurpatio rei externæ est ejus ad qualemcumq; nostrum usum applicatio. Potest etiam dici dispositio, dispensatio, usus, usitatio rei externæ, a. similiter. Illa usurpatio velut generalis conceptus est ad species, sub eâ quâ justitiæ rationem comprehensas, quæ commutatio & distributio dici solent: Vnde postea justitiæ

*commutativa & distributiva dicitur. Unde & in generali justitiæ particularis definitione communiter in commutatione & distributione rerum externarum eam versari dicitur. Sed non sunt vocabula Specierum in definitionem generis actu & expresse ponenda, si omninò generaliores voces haberi queant. Sic malè definiēs testimonium sententiam testis diviniæ vel humanæ: Malè animal corpus virum sensitivum rationale vel bestiale: malè virtutem habitum facilem & expeditam facientem operationem intellectualem vel moralem. Debent n. definitiones generum abstrahi à speciebus actu & expresse positīs, & indifferenter ad illas se habere, ut postea illis assignari queant. Sic hic in justitiā melius dicitur versari eam in usurpatione rerum externarum, qua deinde vel in commutationem, vel distributionem dividit, tanquam species, potest: quā actu nominando species usurpationis, & in commutatione ac distributione rerum externarum versari dicere. Ita rectè Strevesdorf. d. just. & jur. q. 61. a. 3. commutationem & distributionem usus exteriorum, vel rerum, vel personarum, vel operum ait esse.*

12. Dicitur porro objectum externum justitiæ esse res externa, in quā lucrum a. damnum locum habere possit. Hoc est formale in re externā, cujus ratione soli justitiæ particulari tanquam objectum subternitur, nulli alij virtuti. Res externa variis virtutibus pro objecto esse potest. Ita Temperantia circa cibos, potus, & Veneris usum versatur: Liberalitas circa opes & pecunias: Modestia circa honores: fortitudo circa res terribiles, &c. Sed nulla sub illā ratione circa eas versatur, quatenus lucri vel damni ratio in illis locum habet, ne aut plus lucri, quā par est, ad alterum deveniat, aut plus damni ad alterum: sed æqualis proportio inter utrumq; ita servetur, ut jus & æquum postulat, præterquam



quam sola hac virtus, *justitia particularis*. Vox damni & lucri hic non sumenda rigidè, prout in contractibus spontaneis, quos homines subeunt, locum habent, ut emptione, venditione, locatione, oppignoratione: Sed analogicè & ampliativè, ut & ijs competat, quæ invitis hominibus fiunt, in quibus lucrum rigidum aliàs non conceditur. Lucrum hic generaliter notat plus boni & commodi, minus mali, quod ad alterum redundat: Damnum plus mali, incommodi, minus boni, quod ad alterum. Vi Petrus percussit Johannem: lucrum & commodum est penes Petrum percutientem, damnum & incommodum penes Johannem percussum. Iudex ad aequalitatem istum percutiendi actum reducet ex justitiâ, ut tantum damni vicissim redundet ad percutientem Petrum, quantum inferre destinavit percusso Johanni.

13. Ita explicata definitio *justitiæ particularis*. Apud JCtos communiter constans & perpetua voluntas definitur, *jus suum unicuique tribuendi*, ex §. 1. Instit. l. 1. & l. 10. ff. d. ju. & ju. Nam universalem justitiâ hic intelligi non posse d. 4. t. 9. dictum est. Sed nec genus nec differentia hujus definitionis satis quadrant. Non genus, quod est voluntas, quia tropicum hoc, metaphoricum, & metonymicum est, qualia genera in definitionibus non ferenda, si propria suppetant, per 4. Top. c. 3. & 6. Top. c. 2. Sic malè Plato Philosophiam meditationem mortis definiuit. Nil prodest, excipere, voluntatem pro voluntatis habitu inclinante sumi. Hoc ipsum enim vitiosum est in definitionibus, voces tralatitiè sumere, ubi propria suppetunt: Vel dici voluntatem constantem & perpetuam, non simpliciter voluntatem. Hoc enim etiam indecorum est. *Justitia* enim propriè & sine tropo loquendo, non est voluntas ullo modo, & sic nec constans, nec perpetua voluntas: sed voluntatis constantia vel habitus constans. Deinde tò constans

in habitu redundat, si voluntas pro voluntatis habitu sumatur, habitus enim est firma & constans qualitas faciliens operationem. Et sic hoc modo explicata definitio  $\pi\lambda\epsilon\upsilon\epsilon\zeta\iota\alpha$  laborabit: Vel, diuturno usu obscuritatem vocis voluntas, pro habitu voluntatis, exspirasse, ut velut sit propriam significatum vocis factum. Emolliuntur enim tropica diuturno usu, & velut in priorum civitatem asseruntur. Nam & hac impertinentia. Emolliatur obscuritas vocis tropice longo usu: non tamen inde pro genere in accuratâ rerum definitione usurpanda, si propria adsit, quam usurpare possis, quod hic omninò est. Abusi enim hoc est patientiâ Philosophorum, Tropica pro propriis, quæ sufficienter adsunt, substituere. Posset in usu loquendi utcumq; ferri, voluntatem dicere pro voluntatis habitu: sed in accuratâ veri definitione ferri non debet. Dubitari etiam potest, an apud accuratos Philosophos, quorum hæc doctrina est propria, voluntas usurpata occurrat pro voluntatis habitu: quidquid de Ictis sit, de quibus illud Rami in anim. Aristot. p. 121. usurpato: Cæsar hominibus civitatem dare potest, verbis non potest. Et illud Tertulliani: Fides nominum salus proprietatum. Non differentia quadrat: Ex mente enim Ictorum iustitia hic definita tria juris præcepta complecti debet, quæ postea subungere solent, H. V. N. L. & S. C. T. Sed hic tantum una istius particula ponitur, suum cuiq; tribuere, cætera membra omittuntur, quæ tamen etiam ad totale objectum iustitiæ pertinent. Et sic differentia est partialis, cum debeat esse in legitimâ definitione adæquata & totalis. Nam jus suum alteri tribuere etiam de illo affirmare, qui absolutè honestè pro se vivit, non nisi alienè fieri d. 4. c. 9. dictum. Ita effectum iustitiæ, jus, longè latius fusu erit, & tria juris præcepta complectetur, cum Causa juris, iustitiæ, tantum unam complectatur, Quod in-



conueniens. *Nic satisfaciunt Dom. Soto responsiones, quas*  
*l. 3. d. iust. & iu. q. 2. a. 7. reponit, & probat Hornej. 3. Eth.*  
*c. 11. n. 14. Omnino n. differentia adequata ab actu completo*  
*formaliter est sumenda, ubi per voces licet, non partiali.*  
*Hic a. per voces licere ex dictis palam est. Ita si iustitia illa, qua*  
*ad 3. Juris precepti fusa sit, hic definienda sit, habitus definie-*  
*tur honestè vi vendi & cuiq; suum tribuendi. Conf. Amesium*  
*l. 5. d. Conf. c. 2. q. 1.*

14. Ita definitio iust: particularis, ex eâ Objectum &  
 proportio: Sequitur divisio. Ex speciebus iust. parti: vel est  
 distributiva vel commutativa. *Queritur, An proba hæc*  
*divisio, & qualis? An generis in species, an rei in modos exi-*  
*stendi? Probam negat Scultetus l. 1. Eth. c. 28. Quod iusti-*  
*tia longè latius fundatur distributione & commutatione, ac*  
*veracitatem, gratitudinem, innocentiam, etiam comprehen-*  
*dat. Et distributiva non sit species iustitie particularis, sed i-*  
*pso tota iustitia, Cum suum cuiq; tribuere & rectè distribuere*  
*idem sit: Et neutra proportio iustitie, veracitati, gratitudini,*  
*& innocentia applicari queat. Hac rectè confutat Timpterus*  
*3. Eth. c. 10. q. 9. 13. Breuiter notetur 1. Iustitia late sumpta*  
*omnem Virtutem comprehendit, V. d. 4. t. 3. Sed hic pressius*  
*sumitur, ut circa bona externa in quib. lucri aut damni ratio, tã-*  
*tum occupatur. V. t. 3. Ita veracitatem, innocentiam, excludit.*  
*2. Innocentia omnium virtutum generale adiunctum & effe-*  
*ctum est, idem ac probitas vel honestas morum. V. d. 3. t. 19.*  
*non peculiaris Virtus moralis. 3. Veracitas peculiare objectu*  
*morale & versandi modum à iustitiâ parti: habet, & sic conse-*  
*quenter distincta ab illâ virtus, non sub eâ comprehensa. V. d.*  
*7. t. 20. Gratiitudo ad iust. remunerantem pertinet, vel ut*  
*species, si publica sit: vel ut analogon quid, si privata, cum quis*  
*benefacti memor cum studio referendi est, quomodo huc cara*

referunt Eth. Mauric. 1. 2. c. 28. & Timplerus .i. l. *Vel gratitudo & observantia non virtutes, sed virtutum actus sunt*: vel iustitiæ, quâ debetur superiori a. equali. vel liberalitatis, quâ beneficij ratio habetur. Non hic nudus affectus a. habitus sufficit, à quo nemo gratus a. observans dicitur: Sed actum unâ cum affectu concurrere oportet, ut compleatur gratitudo & observantia. Quia a. actus sunt, inter peculiares virtutes non sunt numeranda. Qui affectu tantum gratus est, non ex virtute, sed dispositione aliquâ & semivirtute talis dicitur, quæ in semivirtutibus referri possit. Alij observantiam & gratitudinem ad partes Iustitiæ potentiales referunt. Ut Conimb. d. 9. Eth. q. 1. a. 4. & Ja. Martin. C. 9. d. 4. q. 9. alijs. Sed hic multa admodum intercurrent: quædam virtutes Theologicæ sunt, non morales: quædam actus, non habitus: quædam usus fructusq. virtutum sunt, ut amicitia, non Virtutes. V. t. 26.

15. Buridanus in 5. Eth. q. 7. in modos iustitiæ part: ita dividi censuit, q. Just. part: sit species infima, & distributivum ac commutativum velut diversi modi redigendi res ad æqualitatem sint. Sed in species esse patet 1. Ratione. Virtutes diversis objectis formalibus, actibus, subjectis & proportionibus distinctæ sub uno generali conceptu, plus quam modis distinguuntur, adeoq. sunt diversæ species sub uno genere contentæ. Habitus n. ex objectis, actibus, & proportionibus distinguuntur. Sic liberalitas & iustitiæ cisi circa divitias versentur, quia tamen diverso formali versantur, distinctæ virtutum species sunt. Sed distr. & comm: ita differunt. Objectis formalibus, illius res externa publica & publicè distribuenda: hujus privata & privatim commutanda: Illius est debitum non antea in dominio possidentis detentum, & sic tributum; sed ex iustitiâ ex publico attribuendum: hujus debitum



proprium & usu possidentis receptum, postea ad alterius jus vi  
 iustitia translatum: Vt cum meas pecunias pro mercibus in do-  
 minium alterius, cum quo commuto, transfero. Actibus, illa  
 distribuit communia, hac commutat propria. Distribuire &  
 commutare sunt diversi actus. Subjectis, illa publicis perso-  
 nis, in quantum publica & membra communitatis sunt, competit:  
 hac privatis, ut privata sunt. t. 6. 18. illa est q. totius ad par-  
 tes, hac partium ad partes inter se est. Proportionibus, illa  
 Geometricam, hac Arithmeticam in agendo attendit. t. 10.  
 Generalis conceptus est unus, Iust. particularis, Cujus definitio  
 utriq. species subjecta competit, V. t. 6. E. & hac divisio est in  
 veras species, non modos agendi tantum. 2. Authoritate Ari-  
 stotelis, qui 5. Nicom. c. 7. Distributivam iusti speciem vo-  
 cat, & commutativam diversam à priore speciem habere di-  
 cit. L. 4. Eudem. c. 2. distrib. Vnum juris genus, Commu-  
 alterum vocat. In Græco est vox ἀδίκον, & posteriorem ἀδίκον  
 ἀδίκον τῆς πρὸς τοὺς ἄλλους vocat. Rationes in oppositum, quæ divisio-  
 ni in species obvertantur, ap. Timplerum 3. Ech. c. 10. q.  
 9. Strevesdorf. d. ju. & jur. q. 61. a. 4. vide. Non dicuntur  
 hic diversæ species tam rigide, ut in uno subjecto nequeant  
 concurrere: quomodo leonem, bovem, asinum, diversas species  
 animalis bruti vocamus: aut nunquam in uno actu certà ra-  
 tione concurrere possint. Sic n. actus aliquis & distributiva  
 certo modo esse potest, & commutativa. Cum v. g. beneficium  
 a. stipendium à præside inter pauperes studiosos dividitur pro  
 cuiusq. inopiâ, est & actus distributivæ, quia beneficium  
 velut publicum premium est, & studiosi velut publica Socie-  
 tatis vel collegij membra sunt, & proportio distribuendi Geo-  
 metrica pro cuiusvis inopiâ servatur, ut plus egeni plus distri-  
 buatur, minus egeni minus detur: & Commutativæ, quia  
 vi iustitia strictè obligatur præses singulis summam præcisè a-

qualem juri suo, quod ad accipiendum habent, erogare: Ita ut si major alicujus sit inopia, & non plus altero minus egente accipiat, jus habeat plus poscendi à præsede: Et præsides commutationem violavit, quia minus pretium donat, quàm jus, quod ex inopiâ ad doni quantitatem habet inops, postulavit: velut in commutatione mercium, si non aequale valori rerum tuarum pretium acceperis, jus habes poscendi majus pretium ab emptore, quia valor tue rei majus pretium vi justitiæ requisivit. Sed laxiore modo hic diversæ species virtutum dicuntur, quia objecta formalia & modos versandi diversos habent.

16. Distributiva est just. particularis, æqualitatem proportionis Geometricæ moralis in distributione rerum externarum publicarum inter partes, quæ publicæ sunt, servare faciens. Ex genere dicitur just. particularis. Hec ex t. 6. seq. patet. Quomodo in complexis terminis simplicem terminum pro genere reassumere solemus. Ut Syllogismus modalis est syllogismus. Terminus complexus est terminus Logicus. Virtus moralis est virtus, &c. Ex differentiâ dicitur æqualitatem proportionis Geometricæ moralis in distributione rerum externarum publicarum inter partes, quæ publicæ sunt, servare faciens. Ex objecto & modo versandi hæc sunt desumpta. Ex modo versandi æqualitatem proportionis Geometricæ moralis servare faciens dicitur. Aequalitas & proportio Geometricæ ex t. 9. 12. patent. Servare facere ex d. 5. t. 6. Distributiva proportionem Geometricam moralem servat, i.e. servat æqualitatem rerum ad personas per se, respiciendo earum statum, merita, dignitatem, utilitatem, & omnino id, ex quo majus minusve rei meritum ac pretium aestimari potest. Objectum enim distributivum, quod à just. distr. distribuendum est, premium vel pœna, debetur membris ratione totius, cujus sunt membra: unde & tribuendum secundum eam pro-



proportionem, quam habent ad totum *L. Rempubl. & communitatem*, Cujus membra sunt: quæ proportio est Geometrica. Ut enim persona & meritum unius Civis ad personam & meritum alterius civis: Ita & premium vel onus unius ad premium & onus alterius civis proportionatè se habere debet. Ergo cum cives dissimilis status, conditionis, meriti, facultatis, sint, etiam pro istâ ratione diversâ, premia & onera illorum diversa esse debent. Ita majus premium a. onus ferat in *Republ.* qui major pars *Reipub.* est, minus, qui minor. Sic cujus civis meritum ratione considerationis omnium circumstantiarum moralium duplo majus est merito alterius civis, ejus premium etiam sit duplum præ hujus, & si huic 100. Imp. cedant, illi 200. tribuantur. Ita ubi contributione levanda *Respublica*, majus onus tribuendi addices ei, qui se habet ut 10. quàm illi, qui ut 4. Ut si hic 4. Imperial. solvat, alter 10. in horum vicem pendat, & sic consequenter. Conf. l. 10. Fundamentum diversitatis inter cives varium esse potest. Apud quosdam nobilitas prerogativam habet: apud alios libertas: nonnullos opulentia & divitiæ, alios merita, virtutes, dignitates, vel alia in pretium attollunt, prout status *Reipubl.* fuerit, de quo *Arist. 5. Nicom. c. 6. Bodinum 6. d. Rep. c. 6. vide.* Proportio Geometrica manet eadem, cum personarum dignitas & meritum spectantur: etsi fundamentum istius proportionis variare possit. Bodinus c. 1. omne Geometricum ad regium & aristocraticum statum pertinere ait: omne arithmeticum ad democraticum. Hoc falsum esse ipsa distribuendi ratio, quæ in omni statu *Reip.* servari potest, docebit, ubi Geometrica ratio tam in democratiâ, quàm Monarchiâ a. Aristocratiâ locum invenire potest. V. *Hornejus 3. Eth. c. 12. n. 8. 9. Piccolom. gr. 10. c. 10.*

17. *Objectum iust. distributiva est vel circa quod, vel cui distribuitur. Circa quod distributio versatur, dicitur res externa publica. Res externa, quae iustitia obicitur, hic dicitur, quae extra naturam subjecti est, quod iustitiam administrat. Hac vel publica esse potest, quae de communi totius Reipubl. bona a. malo inter cives, ut partes Reipubl. sunt, distribuitur: vel privata, quae de privato bono inter cives, ut privatos exercetur, ut in contractibus, emptionibus, venditionibus, &c. Distributiva objectum est res publica & commune quid ad totam Rempubl. spectans, & inter cives, quatenus publica communitalis membra sunt, distribuendum. Est q. vel bonum & commodum, ut praemia, honores, beneficia publica, libertates, dignitates, privilegia, &c. vel malum & incommodum, ut onera publica, servitutes, contributiones, labores publici. Vnde cum praemium vel onus confertur publico nomine, & quatenus pars publica communitalis recipiens illud est, ex iustitia distributiva conferri censetur. Sic si agri hostibus erepti, a. praeda inter cives vel milites distribuatur, quia publicum quid est, & civibus ac militibus, ut publica civitatis a. exercitus membra sunt, distribuitur, ex iustitia distributiva conferri dicitur. Sic cum onera publica publico nomine civibus, ut membra societatis sunt, inferuntur, ut Contributiones, munimenti extructiones, vectigalia, jugationes, adarationes, capitationes, &c. distributio est. Cum aliquid non ut publicum, sed ut privatum, nec ut ex publico reservato, sed privato, nec ut persona publica, sed ut privata conferitur, non iustitia distributiva censetur. Ut cum privata merces, beneficium, stipendium ob navatam operam confertur, ut Consiliario ob salubre consilium, militi ob strenuum factum, Civis ob proditorem revelatam, a. privatam industriam praemium datur. Sic cum pena irrogatur alicui, non ut civi publico, sed ut privatum delin-*



delinquenti irrogatur, adeoque commutatio est, non distributio. Non enim eo nomine vel respectu inferitur, quatenus membrum civitatis est: sed quia delinquens est. Inflictio pœne, executio justitiæ, & vindicatio injuriæ, ad Rempubl. & publicam potestatem pertinent: sed persona ledens, non ut publica, sed ut privatus delinquens hic spectatur, itaque non est vera distributio, sed commutatio. Sicut cum civis contrahit cum cive, emendo, vendendo, usucapiendo, &c. est commutatio, non n. hic ut publica membra, sed ut cives privati spectantur. Objectum cui distribuitur, dicitur aliàs subjectum, & est pars publica, quatenus talis, i.e. quatenus præ se publico nomine, ob publicum finem & utilitatem, & pars publica societatis est, aliquid ei confertur vel imponitur. Sic cum onera civibus, quæ tales sunt, imponuntur ob communem Resp. salutem, quæ illis procuratur, ex distributione fieri censetur. Hac ex antedictis uberius patent. Conf. de hac justitiâ Agricola l.i. Symb. Pythagor. c. 21.

18. Justitia commutativa est justitia particularis, æqualitatem proportionis Arithmeticæ moralis in commutatione rerum externarum privatarum, & privato nomine debitarum, inter personas privatas servare faciens.

19. Ex objecto dicitur versari in commutatione rerum externarum privatarum. Objectum commutativæ justitiæ uno adæquato & satis generali vocabulo exprimi vix potest, ut t. II. notatum. Aristoteles οὐράνοια vocat, quod reddiderunt contractum. Hac vox in voluntariis commutationibus usurpatur. Sed justitiæ commutativæ etiam involuntariæ obligationes obijciuntur, ut tenearis v. gr. solvere promissum, reddere debitum vi justitiæ, ut maximè nolis. Adeo ergo laxè sumatur vox contractus, ut & obligationes ex delictis, & ex q.

delictis, & voluntariis & invitis comprehendat. Quomodo in ipso jure l. omnem ff. d. judic. vocem contractus extendi notat Hornejus 3. Eth. c. 13. n. 2. Ita commutationes vel contractus sunt varij, quidam voluntarij, cum utringq. animus commutandi adest, ut emptio, venditio, locatio, conductio, commodatum, mutuum, usus, fructus, &c. quidam inviti, cum ab unâ parte voluntas non adest, ut in furto. Hi vel lædunt aliquem in re, ut furtum, & rapina; vel personâ, idq. vel ratione incolumitatis, vel dignitatis, vel in supposito proprio, vel alieno & conjuncto, prout latius hac persequitur Hornej. c. l. n. 3. Dicitur res externa privata, i. e. quæ tanquam privata ab aliquo possidetur, & in quam jus nomine non publico habetur. In distributivâ erat aliquid commune & publicum inter membra, ut publica, distribuendum: Hic est aliquid non publicum, inter membra tanquam privata commutandum, qualecunq. illud sit, quod uno generali nomine vix est exprimendû. Ex subjecto dicitur inter personas privatas aequalitatem servare. Privati sunt, qui sub conditione privatorum æstimantur. Possuntq. hinc esse vel qualibet partes Reip. inter se, ut Cives vel unus Reipubl. vel diversarum, ut homines privati inter se: vel ipsa Respublica privato nomine spectata cum alio contractum instituens. Sic si Respub. à privato aliquid emit, a. illi clocet, vendat, usumfructum concedat, aut ministris suis vel militibus in bellum conductis stipendia pro operibus privatis eroget, just. commutativæ actus sunt.

20. Ex modo versandi dicitur aequalitatem proportionis Arithmetica moralis servare. Proportio Arithmetica ex t. 10. patet. In illâ attenditur res & res simpliciter, non persona a. meritum contrahentis. Sic si pro re 10. aureos promiseris, teneris ex promisso reddere, licet tantum pretium ipsius rei absolutè non sit. Sic in contractu societatis res res adequatur,



tur, i.e. proportio lucri proportioni sortis s. pecunie ad sortem collate, insuper habitâ dignitate a. merito conferentâ. Esse in hac iustitiâ talem proportionem observandam patet. 1. Quia iustitia requirit, ut tantum lucri reportes, quantum proportionatè posuisti. Et tantum pretium sumas, quantum proportionatè res ipsa a. promissum requirit, citra dignitatem a. meritum tuum. Hoc n. in commutationibus spectatur, ut tantum alter recipiat lucri aut incommodi simpliciter & citra alium respectum, quantum ab altero in illum profectum est. Sic qui ades vendit, tantum pretij ab emptore expectat, quanto domus aut per se, a. per contractum compensari potest, non quantum præstantia aut meritum emptoris postulare queant. Sed ubi talis æqualitas spectatur, ibi Arithmetica proportio servatur, per th. 10. 2. Quia opposita æqualitati hujus iustitiæ, inæqualitas, primò & per se ex ipso facto æstimatur, non merito aut æstimatione inferentis injuriam, nisi morale discrimen inferatur, de quo t. 23. Sic injuriam infert probus, si alium defraudat, perinde ac improbus, non æstimatâ conditione personæ, quòd aliàs sit proba. Ergò & opposita æqualitas iustitiæ hujus primò ex ipso facto spectanda, i.e. proportionem Arithmeticâ.

21. De pœnis infligendis & scelerum vindicationibus specialiter hic duo queruntur. 1. Quâ proportionem infligendæ, an Arithmeticâ, an Geometricâ, an mediâ & harmonicâ? Adcoq. an just: commutativæ sit, pœnas irrogare, an distributivæ? Communiter Geometrica proportionis esse dicitur, & just: distributivæ asseritur, quæ præmia & pœnas meritis distribuat. Ita quidam ex Ethicis, Ut Conimbr. d. 9. Eth. q. 1. a. 2. D. J. Mart. C. 9. d. 3. q. 9. Raconis s. 3. Eth. q. 2. a. 3. m. 2. Golius Eth. l. 5. c. 5. Magirus l. 5. Eth. c. 4. 5. Heilandus lib. 5. Eth. c. 3. Ch. Mathias l. 3. Eth. ex. 9. t. 27. 28. Eustach.

Eustach. S. Pauli p. 3. Eth. tr. 3. d. 2. f. 2. q. 5. Alsted. Eth. 3. c. 14. §. 10. Timpler. l. 3. Eth. c. 10. n. 12. & qu. 11. Rigerus lib. 2. Eth. c. 25. Casus l. 5. sp. mor. c. 2. Snellius p. 48. Eth. Hakelmannus & Alex. Piccolomin. ap. Arniseum lib. 1. Pol. c. 17. §. 10. *alyg.* Quidam ex Jctis. Ut Wesenbec. in parat. ff. d. just. & ju. n. 11. Mynsingerus instit. §. d. ju. & j. Ehemius lib. 5. d. prin. jur. c. 2. Alii *commutativa justitia* eam asserunt, & *proportione Arithmetica* intelligendas censent. Vt Averroes, Thomas, Cajetanus, Acciaolus, Soto ap. Hornejum l. 3. Eth. c. 13. n. 9. Hornejus c. l. Dn. Melanch. epit. Eth. p. 91. D. Gerhard. d. Mag. Pol. §. 312. Arniseus l. 1. Polit. c. 17. §. 10. & pecul. disp. d. prop. Arithmetica in pænis. Goclenius q. 42. Eth. *Est quæ ipsius Aristotelis* 5. Nicom. c. 7. *Vbi contractus vel commutationes tam voluntarias, quam invitæ, just. commutanti adscribit. Invitorum autem emendatio nil aliud, quam pænarum irrogatio est.* Alii *harmonicam proportionem* hic commendant, de quibus t. 10. Alii *mediæ* eisdem inter distrib. & commut. justitiæ pænarum irrogationes tribuunt, quæ *correctiva* dicatur, ut Amesius vocat, l. 5. d. confc. c. 2. q. 5. & l. 2. medul. c. 16. n. 70. *vel just. propria*, ut Scultetus l. 1. Eth. c. 33. Alii *εποχήν* hic eligunt, & *neutri* sententia calculum addunt, ut Gurtius d. 12. Eth. q. 1. Alii inter delicta publica & privata distinguunt. Illa ad Geometricam proportionem & just. distributivam referenda, hæc ad utramq. Ita Walæus p. 3. Eth. p. 230. 231. sic David ignominiam legatorum publico bello est ultus. 2. Sam. 10. *Quæ pæna publica ad publicam justitiæ pertineat, qualis distributiva.*

22. In hoc quæsto, intricato aliàs, ut ritè procedatur, sequentia advertantur. 1. Aliud est, quidnam vi justitiæ præcise in se & sui naturâ spectata sit agendū, & quomodo delicta  
*simpli-*



*simpliciter iustā pœnā sine afficienda, sine ullo habito respectu: aliud, quid per justitiam æquitate temperatam fieri possit, quā mitigatur a. remittitur pœna ob certas circumstantias morales, quæ prudenter mitigationem pœnæ, ut publicè utilem ane necessariam, suadent & requirunt. Vbi vel necessitati cederendum: vel publicæ utilitati consulendum: vel peculiari clementiæ aliquid dandum. Sic David Joabum homicidam non statim occidi mandabat, quia publicè utilis, necessarius, ac apud populum gratosus erat, 2. Sam. 3. 20. Et Simeï maledicenti ignoscebat, quia reditum suum in regnum potius beneficio quàm supplicio illustrari utilis censebat, & Simeï inter primos Regis officiosos se exhibuerat. 2. Sam. 19. v. 19. 20. 2. Di. stingvendum inter respectum personæ physicum & per se. quæ personæ dignitas primò & ex sui naturâ tantum aestimatur: & Ethicū s. moralem, quæ per aliud ex personæ dignitate aut conditione circumstantia aliqua moralis colligitur, aggravans debiti quantitatem moralem, vel imminuens, Et sic etiam quantitatem pœnæ moralem varians. Prior in pœnâ vixus est, lege Dei prohibitus. Lev. 19. v. 15. & Aristoteli re-jectus, s. Nicom. c. 7. Posterior admitti potest, & facit discrimen delictorum morale, adeoq. inæqualia peccata, & sic etiam inæqualibus pœnis afficienda. Notat n. hic vox personæ non Metaphysicè suppositum intellectus naturæ tantum: sed conditionem vel qualitatem personæ ob causam consideratæ, i. e. conditionem factum vel exaggerantem vel minuantem. Sic servus, eò quod servus, gravius peccat in herum, quàm alienum: filius gravius in patrem, quàm affinem a. ignotum: subditus in proprium magistratum, quàm exoticum. Illis n. major debetur reverentia, quàm alienis, & sic etiam majore pœnâ talia delicta coercenda. Sic gravius peccat Consiliarius, si principem prodât, quàm si extraneus id facit, quia magis prin-*

*cipi obstrictus: gravius persona publica & eminens, quam privata & vilis, quia exemplo & scandalo plus nocet. Sic eadem pœna Physicè potest esse diversa Ethicè & morali consideratione, pro circumstantiâ personæ, cui infligitur, cui longè majus damnum ex eâ irrogatur, quàm delictum promeritum est. Sic si monocolus oculum alteri eruerit, & talione vicissim oculo privandus sit, longè gravius incommodum ei incutitur, si prorsus excæcetur, quàm alteri binoculo, si unus oculus ei eruat. Hic circumstantia personæ pœna identitatem Physicam auferet, & Ethicam s. moralem inducet, quæ ex equali damno ac incommodo incusso pensanda. Idem valet de unâ aure, manu, pede, prædito, qui non eâdem talione physicè cum binaure, bimano, bipede, puniendus, quia inaequale & longè gravius damnum illi emerget, quàm huic. Sic nequam delinquens fustigatur, virtuosus Senatu, civitate, statu, &c. movetur. Sic in l. capitalium, §. In servorum. ff. d. pœnis. Ex quib. causis liber fustibus cadiitur, ex his servus flagellis cadi & domino reddi jubetur: & ex quibus liber fustibus casus in opus publicum damnatur, ex his servus sub pœnâ vinculorum ad ejus temporis spatium flagellis casus domino reddi jubetur. Æqualis pœna Ethicè est, quia tantum damni remotione huic inferitur, quantum fustigatione illi, etsi Physicè inaequalis. Distingvendum hic inter conditionem personæ, ut sic: & inter variationem delicti moralem, moraliter inde exsurgentem, & consequenter diversam pœnam moraliter loquendo requirentem.*

23. 3. *Conditio personæ moralem circumstantiam inferre potest delictum aggravantem vel minuentem, quæ in infligendâ pœnâ ad eò observanda, ut non observata injuriam inferat. Circumstantia morales quid in morali consideratione possint, d. 2. t. 14. dictum. Quæ hoc casu spectanda, ita comprehendì possunt: Quantum, quale scelusq; ætasq; , scientia,*



tia, sexus, conditio, tempus, locus, ista modusq; tenen-  
 tur. *Inprimis hic attendenda proæresis & intentio, itera-  
 tio, & objectum, in quod peccatum est. Qui proæreticè & ex  
 malâ intentione peccat, moraliter longè gravius peccat, ac què  
 imprudenter, iudice ipsâ Scripturâ, Luc. 12. v. 47. Qui vo-  
 luntatem Domini scit, & non facit, multum vapulabit. Sic  
 voluntarius homicida etiam ab altari abstrahendus de lege  
 DEI erat. Exod. 21. v. 14. Deut. 19. v. 11. 12. Sic delicta à  
 nobili vel virtuoso commissa interdum gravius punienda,  
 quàm à vili aut obscuro, quia in illo major scientia iniqui, ma-  
 jor ingratitude non agnoscens bona DEI, majus scandalum  
 publicum & exemplum præsumitur, quàm in hoc. Sic delictum  
 sæpius iteratum gravius punitur semel commisso, quia major  
 proæresis præsumitur. V. d. 2. c. 14. Contrà, ubi non proæresis  
 & intentio præsumitur, sed imprudentia & humana infir-  
 mas, vel validior animi perturbatio, mitius punitur nobilis  
 virtuosus vili & vitioso, quia ille pro solito more plus delictum  
 cavisse, hic minùs pro more id egisse præsumitur. Sic lex divi-  
 na casuali homicidio asyla constituit. Exod. 21. v. 13. Deut. 19.  
 v. 5. quæ proæretico negat. Et herum occidentem servum à  
 pœnâ capitali eximit, Exod. 20. v. 21. & oculum a membrum  
 ei corrumpentem à talione Physicâ liberat, v. 26. 27. Cum a-  
 lios inde non excipiat. Et hic valet: Duo cum faciunt idem  
 (Physicum) non est idem, (Ethicum & morale,) quia non  
 fit ex causis & circumstantiis iisdem. 4. Pœnæ quantitas  
 & identitas in moralibus non aestimanda est ex identitate sup-  
 plicii Physicâ, sed incommoditate Ethicâ, cum nempe tantum  
 damni puniendo inferitur reo, quantum injustè agendo inferre  
 voluit insonati, dicitur moraliter equali pœnâ affici. Sic no-  
 bili tantum damni inferitur relegatione, quantum servo fusti-  
 gatione, unde equalis pœna dicitur moraliter, etsi sit inequalis*

*naturaliter. Hoc ex membro 2. amplius patet. Moralia enim moraliter sunt spectanda, non naturaliter, transcendentem, aut Arithmeticè. 5. Omnis gradatio pœnarum & delictorum non evertit proportionem Arithmeticam, ut cum furtum restitutione ablati, homicidium ademptione capitis punitur: sed e tantum, quâ equalibus delictis Ethicè, inaequales pœna irrogantur Ethicè. Sunt a. inaequalia peccata furtum & homicidium, & Physicè & Ethicè. Sic qui duplam sortem posuit in contractu, duplum lucrum aufert, nec tollitur per id proportio: Arithmetica, quia inaequales res sunt, in quibus contrahitur.*

24. 6. Aequalia peccata Ethicè & moraliter, i.e. secundum omne circumstantias morales spectata, non Physicè, sunt equaliter pœnis Ethicè & moraliter ratione damni, quod inferur, spectatâ, non Physicè & ratione identitatis naturalis pœni, puniendâ. In hoc decisio totius quaestio & ipsa moralis proportio Arithmetica pœnarum ad peccata consistit, ut gravitas pœna moralis præcisè respondeat gravitati delicti moraliter spectati, citra προσωποληψίαν a. respectum ullum personæ, qui non inaequalitatem delicti moralem inferat. Et hoc patet 1. Scripturâ, προσωποληψίαν in iudicando vetante. Lev. 19. v. 15. Deut. 1. v. 17. Respicitur a. persona, sum conditio personæ ad causam nil faciens attenditur. Hic justus iudex respiciet faciem causæ, non persona sine causâ. 2. Ratione. 1. Justitia commutativa inaequalia commissæ ad aequalitatem rerum redigere debet, per t. 19. Vt si duplum ad sortem locaveris præ alio, & duplum ex lucro sentire debeas. At in iudicijs & pœnis eadem aequalitas intenditur. Eò n. iudicis auxilium imploratur, ut quod delicto damnum illatum est, æquali pœnâ in damno inferendo sarcitur, & sic inaequalitas rerum ad aequalitatem moralem simpliciter redigatur. Si secus fiat, & iudex personam respiciat, non tollet inaequalitatem rerum



rerum, sed etiam intendet, dum jus suum læso denegatur: & bitem hominum interdum concutabit. Sic Mediolanenses patritium quendam carceris squalore necârunt, quòd cedes nobilibus patratas pecuniâ expiari vellet. Bodin. l. 6. de Rep. c. 6. 2. Si pœne Geometricâ proportionē infligenda essent, E. quo major status & meritum delinquentis esset, eò atrocius puniendus esset. Hoc enim proportio Geometrica requirit, c. 10. & propriè strictèq; distribui dicerentur. At prius illi ipsi invertant, & nobilem mitius puniunt ignobili, liberum servo, patritium plebejo: postertus contra loquendi modum est, non n. pœna propriè distribui dicuntur, quod in illis, quæ publica, & inter plures dividenda, V. t. 16. sed irrogari & inferri. Quis n. dicit, supplicia hæc a. illa Reip. & communis totius esse, & civibus tanquam de publico depromi, & ita inter eos dividi, ut singuli eorum partem auferant, quomodo honores, pecunia, agri, ita dividuntur? E. non Geom. proport. infligi possunt. 3. Authoritate Aristotelis & aliorum, qui ab hac sententia stant, de quibus. t. 20. dictum. 7. Talio in just. commutativâ admitti potest, non physica, & Pythagorica, quæ & scelera sceleribus compensat: sed Ethica & proportionalis, quæ damnum & incommodum æquale respicit, non identitatem pœnæ specificam. Sic monoculus alteri oculum eruens fustigatione talionem sentiet, non oculi extinctione & totali excœcatione, quia damnum hoc moraliter gravius esset illo, quod binoculo extinctione unius oculi intulisset. Sic si magistratus subditum percusserit, non reperiatur, sed aliâ pœnæ specie par illi damnum inferetur, ac percusso inferre voluit. Si subditus Magistratum percussit, non solum iterum mulcabitur, sed & capite fortassis plectetur, & ita talionem sentiet. Conf. Hornei. c. l. n. 24. 25. 8. Delictum publicum aut dicitur, quòd à publicâ personâ commissum sit,

aut quod publicum damnum inferat. Vtroq; modo proportio Arithmetica, sed moralis, in pœnâ servanda, & ad commutationem pertinet. Vtut enim persona aut damnum publicum sit: pœna tamen non ex communi velut reservato inter singulos distribuitur, ut premia, onera, in distributione: sed delinquentibus ut privatis irrogatur, & hætenus est commutatio, non distributio, ut antea patuit. Sic potest publicus Magistratus, Respubl. merces commutare, contrahere, non ut publici, sed ut privati. Non fit inde distributio, sed manet commutatio, t. 19. Plura & de oppositis in discursu.

25. Circa pœnas quaritur 2. An proportio moralis pœnæ & peccati maneat, si atrocib; delictis in N. Testam. capitalia infligantur supplicia, & vite privatione puniantur? Et si furibus capitale supplicium irrogetur? Quà primum: Ex antiquioribus Lactantius l. 6. diu. inst. c. 20. Ex recentioribus Photiniani, ut Ostorodus c. 28. inst. §. 2. 3. 4. Smalcus c. D. Frantz. d. 6. d. reb. ciu. f. 2. & d. 7. d. bon. op. t. 114. Stegmannus in probâ c. 11. p. 432. seq: Socinus c. Palæolog: p. 2. n. 13. §. 1. n. 26. §. 1. 2. & in lib. quod Regni Polon. c. 3. f. 24. & Gratianus Prosper in instrum. doctrin. Aristotelico (qui Socinus esse putatur) p. 89. Vbi negat, iurâ Naturalis esse, homicidas capite plectendos: Quod sic nullum individuum humanum reperiretur, quod non occideret homicidas: jura n. naturalia omnibus hominib. esse communia. Vbi miram perversonem esse rectè ostendit Junius p. 4. examinis libri istius §. 5. l. 2. Op. p. 298. Anabaptistæ in Colloq: Frankenth. Th. Müntzerus in ep. ad Ern. Heldrung. aliq; Weigeliani, ut Weigel. p. 2. post. p. 140. 141. in die Virindium p. 48. dom. 22. p. Trin. p. 330. 332. Arminiani, ut ex Geistero, Welsingio, Episcopio & Slatio ostendit Peltius harm. ar. 21. §. 2. fanatici & Meistæ  
ad



ad negantem inclinant. Quod sit contra regalem legem caritatis à Christo traditam, & naturā Novi fœderis, quod tempus gratiæ, nō ira, sit. Falsò omnes. Nam & in N. T. jus gladij conceditur Magistratui, quem non frustra gerere dicitur. Rom. 13. v. 4. Si non frustra, E. & in gladium meritos stringere eum licebit. E. dicitur vindex ad iram ei, qui malè agit. E. cum gladio legitimè utitur, DEO ministerium exhibet, & iram DEi justè ac Deo placenter exercet. E. id et licitum erit. Nec de Magistratu gentili id loquitur Apostolus: Sed universim de omni. v. 1. 2. Ab exceptionibus adversantium locum hunc vindicatum vide ap. D. Gerhard. d. Mag. Pol. §. 299. Ex dissentientib. Stegmannus c. l. p. 43. concedit, DEum Magistratui gladium dedisse in pœnam facinorosum. Ex Anabaptistis Menno in fundam. p. 231. 233. jus gladij in facinorosos Magistratui largitur. In N. T. non aliam caritatis legem Christus tradidit, quàm in V. T. fuit, sed hanc repetijt, explicavit, & suo exemplo confirmavit. V. Exod. 23. v. 4. 5. Lev. 19. v. 18. Prov. 25. v. 21. Matt. 22. v. 39. Marc. 12. v. 31. Joh. 15. v. 12. 17. & alibi pluribus docebatur. Vt ergò in V. T. contra caritatem non erat, facinorosos capitaliter punire de lege divinâ, Gen. 9. v. 6. Ita nec in N. est. Et N. T. est tempus gratiæ, opponendo timori servili, quem sectatorib. justitia ex operibus rigor legis incutiebat, Rom. 8. v. 15. Gal. 5. v. 1. 2. 3. non capitalibus supplicijs fontibus à Magistratu justè incutiendis. Libertas Christiana à rigore & maledictione legis in N. T. esse debet: non licentia ab ordine & pœnâ. Secus & monetur Magistratus, tardè ad supplicia capitalia accedat. V. D. Gerh. c. l. §. 310. De justitiâ in judicijs servandâ V. Marliani c. 2. th. Polit. De estimatione speciali rerum secundum just. commutativam, quomodo expedienda, & quo velut instrumento, uberius Hornejeum

nejum c. l. n. 26. 27. vide. Quà secundum, *furtum varium* esse potest. Inter quoddam & vitam hominis proportio esse potest, ut plagium, sacrilegium. Et si furia ita patrentur, ut aliter salva Respubl. esse nequeat, nisi è medio sublati furib. proportio moralis instituenda erit inter vitam furum & salutem. Reipubl. Vbi omninò moraliter constabit. Plura alijs de hoc.

26. Ita divisio Justitiæ fuit in species. Ex modis inferendi alia publica, alia privata dici potest. Publica, quæ in publicis actibus administratur, ut in judicijs, foro, curiâ. De hac Marlian. c. l. vide. Privata, quæ in privatis transactionibus. Viraq; vel vindicans, vel remunerans esse potest. Ex statibus, in quibus administratur, vel rogata, quæ in pace, vel bellica, quæ in bello ministratur, esse potest. Alii ultra voces ampliant, & commutativa ac distributiva rationem etiam in Deo cum hominibus agente, itemq; Angelis, reperiri dicunt, non per tropum, metaphoram, a. similitudinem: sed propriè ac formaliter, & velut in priore analogato. De hoc latè disceptantem vid. Svaretzium in opuscul. d. 6. s. I. Conf. & Crellium c. Grotium c. 2. p. 145. Hac justitia propriè non moralis est, sed eminentioris & superioris conditionis, si secundum perfectionem aliquam formaliter in Deo reperitur, quod non dissimulat ipse Svaretz. c. l. n. 17. & ex ratione ac perfectione abstractæ substantiæ Deo tributa illustrat. Ac proinde ad Ethicam doctrinam nō pertinet, quæ de justitiâ agit, quæ habitus & qualitas, ac accidens predicamentale est, quale in DEum non cadit. Agimus hic de actib. & virtutib. humanis, non divinis, non Angelicis. V. d. 2. t. 5. Alii & in divinam, quæ Deo sit debita, dividunt, ubi religionem, fidem, pietatem, caritatem, comprehendunt, & postea sacrificium, votum, juramentum, addunt,

addunt, &c. & humanam, quæ homini, V. J. M. C. 9. d. 4. q. 9. Conimbr. d. 9. Ech. q. 1. a. 4. Lessium l. 2. d. J. & J. c. 46. d. 1. 2. seq: Sed divina alterius fori est: & pietas, religio, virtutes supramorales sunt. V. d. 9. t. 24. Effectum ejus est jus & justum. Vox juris d. 4. t. 10. discussa. Prout hic jus spectatur, dici potest præceptum in societate humanâ homini à rectâ ratione præscriptum. Dicitur præceptum, quia præcipit agenda a. omittenda: & completitur tum actum rationis præcipientis: tum materiam s. rem jure præceptam, quæ iusta dicitur ex qualitate à jure seu jussu rationis assumptâ. Materia nempe & res jussu vel præcepto rationis contenta dicitur iusta. Homini præscriptum, quia juris, de quo hic agitur, subiectum est homo, non angelus, cujus jus superioris ab moralibus ordinis est: non brutum, cui moraliter loquendo nullum jus ferri potest. V. d. 4. t. 20. Jus naturale interdum homini cum bruto commune dicitur, c. 1. t. 22. Sed quantum ad brutum id attinet, verè loquendo jus illud non est, etsi à Jctis ita interdum extendatur. Nec n. ratio distinguens bonum à malo in bruto est: nec voluntas aut electio unius præ alio: nec ulla justitia, quæ vera virtus sit. Cum idola tantum virtutum & umbrae in illis repertantur. d. 2. t. 5. Jus a. quale hic traditur, est vera justitia effectum: Sed inclinatio, potentia, operatio, & instinctus aliquis naturæ, qui certâ ratione dirigitur, prout bruti naturæ, & fini convenit, quo respectu omnes creaturæ dicuntur habere legem sibi inpositam, quæ lex passivè in ipsis reperitur, quâ diriguntur & determinantur ad suos fines à Deo & naturâ, ordinariâ Dei administrâ, & sic per similitudinem jus & lex eorum appellatur. Job. 38. v. 10. 11. Psal. 148. v. 6. Jer. 33. v. 20. 25. Ita inclinatio & instinctus in bruto est ad defensionem vite, libertatis, sustentationem fatus, conjunctionem sexus, procreationem speciei, quorum apprehensiones in brutis suis per



*instinctum natura; in hominib. per iudicium rationis. Sic per analogiam in brutis ius naturale vocatur, cum propriè instinctus aut impetus naturalis sit. Conf. Valles. c. 74. fac. Philos. Et homo contra talem inclinationem peccans exemplo brutioris validè reprehenditur. Esai. 1. v. 3. Jer. 8. v. 7. Dicitur à rectâ ratione præscriptum, quia causa ejus est recta ratio moraliter judicans, & honesta præcipiens. Est enim ius hîc effectum justitiæ, & justitiæ, ut omnis virtus, à rectâ ratione ut proximo directorio, regitur, ut mediocritas prudentis rationis. d. 3. th. 14. In societate humanâ, quia hoc est velut objectum & finis, quo ius servandum, ut societas humana constet, & in illâ debitè ac aequè homo cum homine agere sciat. Divisio juris varia esse solet. Vt in naturale, gentium, & civile, divinum & humanum, universale & particulare &c. De quo d. 4. t. 22. vide. Conf. Casum l. 5. Eth. c. 7. Amesium l. 5. de Consc. c. 1.*

27. Oppositum justitiæ particularis est injustitia particularis, vitium morale mediocritatē moralem in usurpatione rerum externarum violans. *Vitium morale, i. e. habitus pravus actionibus repetitis acquisitus. Vna enim a. altera actio moraliter vitiosum non facit, etsi actum inhonestum faciat. Vnde distinguunt inter injustè agere, & injustū esse. Injustè agit is, qui sciens volensq. contra dictamen prudentiæ moralis aliquem defraudat, aut iniquè premium vel aliud distribuit. Hoc modo semel iniquè agentem nomine vitiorum moralium in communi usu appellare solemus, ut qui semel furatus, adulteratus, scortatus, furem, adulterum & scortatorem dicimus, etsi frequenter actum istum non repetierit. Injustus est is moraliter, qui ex habitu confirmato sciens volensq. actus injustos contra laesi voluntatem exerit. Vnde ad injustitiam moralem requiritur ex parte ledentis notitia & voluntas, ut sciens volensq. ledere velit alterum, & ut potuisset vitare, si voluisset.*

luisset. Hinc furiosum, quamdiu talis est, nec intervalla habet, negant injuriam inferre posse, quod non sciat a. discernat, quid agat. V. Camerar. C. 2. c. 7. Et in seipsum etiam nemo injurius, quia nemo à seipso disparatur. V. d. 4. t. 9. & 5. Nicom. c. 11. 15. Nec bruta injuriā nos afficere possunt, nisi ledere possint, quia actus illorum non cum libertate arbitrij, ratione, & praelectione, conjunctus est: Ex parte loci voluntas s. renitentia, quā nollet id pati, quod inferitur, si amovere posset. Volenti enim voluntate completā & rectā, non fit injuria, h. e. violatio juris per vim ac necessitatē coactionis illata. Si voluntas sit incompleta, ut in actibus mistis, quos vocant, ut cum viator latroni pro redimendā vitā pecuniam numerare cogitur: aut corrupta, ut cum melancholicus se occidi postulat, injuria inferri potest. Ita morte dignus est, qui alterum occidit, quamvis id expetat. Appetitus n. hic non est rationis recta, sed caeca & distorta. Sic David Amalecitam jugulari jubet, quod Saullem postulantem occidisset. 2. Sam. I. V. 15. Sic injuste agit, qui Martyres & innocentes occidit, etiamsi ad mortem properent, eamq. voīs expetant. Appetitus n. ille est contra sanam rationem. Et injuria pro justī violatione accepta non pendet ex voluntate patientis, s. is consentiat, s. dissentiat, sed ex regulā justitiæ. Hoc modo injustum fieri potest volenti & consentienti. Sic Christus in morte subeundā fuit volens & consentiens, V. dec. 2. d. 6. corol. 2. & tamen injuriam passus est maximè atrocem. Plura de hoc ap. Ch. Matthiam l. 3. Eth. ex. 9. q. 5. Amel. l. 5. Consc. c. 6. lege. Injustitia & injustorum exempla ap. Zvinger. vol. 16. l. 1. 2. 3. vide. Iniqui Vsurarij, judices injusti, raptores violenti, fures, occulti expilatores, alienorum emunctores, &c. huc pertinent. Hesiodus l. 1. op. & di. nec se, nec liberos suos in hāc pravitate vitæ justos esse optat. Nam justum esse, ait, malum est, melior si causa

malorum. Sed iusti non iustitiam instar agri, quæstus gratiâ, colunt, sed instar virtutis, sui & honestatis sue gratiâ, etsi parum in improbâ vitâ inde commodi quandoq; reportent.

28. Hæc de virtute actionem nostram cum aliis dirigente, iustitiâ particulari: Sequitur virtus aliorum actionem erga nos dirigens, Mansuetudo. Hæc interdum sumitur naturaliter, pro placiditate naturali, quomodo animalia alia mansuetâ & clementia, alia fera dicimus, ut leonem, tigridem: interdum moraliter pro habitu acquisito placidum iræ affectum reddente. Ita hic. Ita definitur Virtus moralis directâ, mediocritatem prudentiæ in irascendo servare faciens, ut in irâ & vindictâ decenter nos geramus. Objectum ejus vel internum est, appetitus irascendi, & ipse iræ affectus: vel externum, partim πᾶν βλάπτον, omne iram concitans, ut injuria, damnum, convitium, mendacium, fraus, &c. Hic dicitur lenitas: partim ipsa vindicta & pœna, circa quam moderandam occupata mansuetudo specialiter dicitur Clementia. Ut Seneca l. I. de clem. c. 3. observat. Virtus Principi & Magistratui summè necessaria. V. pulchrè Marlian. th. Polit. c. 3. Senecam. c. l. Secus ac vult Machiavellus, qui damnosam Principi statuit, & sevitiâ commendat. Falsissimè & alienè. V. Antimac. l. 3. t. 8. 9. 13. 14. 22. Exercebitur mansuetudo ab homine, si considerentur causæ irascendi, quæ si sint principales & publicæ, irâ dignæ sunt: Si accessoria & privata, magis remissione obliterandæ, aut tanquam viliores nobis, rejiciendæ, quàm vindicandæ. Objectum, cui irascendum est, sit homo vivus, rationis compas, inferior a. equalis, non superior: improbus, & pertinax ac voluntarius, qui pro ære tice peccet: Tempus, quo inchoari & continuari ira debeat: non sit sub publicâ consultatione, concione, panegyri, lætitiâ, a. simili festivitate, ubi latandum, non irascendum: nec  
nimis



*nimis productum: non alenda ira, sed abruptenda, ne in odium & furorem degeneret.* V. Senecæ libros d. irâ: Modus, quo irascendum; fiat cum: honestâ proportionē circumstantiarū omnium, & ratio honestatis, intellectus nostri, delicti & delinquentis, & pœna ac vindicantis habeantur, ut vindicta publica à privatâ discernatur, ne aliquid istis adversum quaquâ ratione committatur. Plurib. conf. Valentiam T. 2. d. 3. q. 10. p. 2. Photiniani Christiano vindictam etiam publicam per Magistratum inferendam postulari non posse statuunt. V. Smalc. d. diu. Chri. c. 5. & c. D. Frantz. d. 6. d. reb. ciu. f. 2. & d. 7. d. bon. op. t. 103. 104. Catech. Racov. maj. c. 1. p. 195. Ostorod. c. 26. inst. n. 1. 2. Stegmannum in probâ, c. 11. p. 439. 440. c. 12. p. 458. Socinum c. Palæolog. p. 2. n. 17. 18. seq. & p. 3. c. 2. & pauca in epist. ad Squarcialupum p. 21. repetit, aliosq. Falsum hoc esse ex Rom. 13. v. 4. apparet, ubi Magistratus vindex in pœnam malefici dicitur. Si iusta est Magistratus vindicta, iusta etiâ erit publica vindicta à Christiano facta postulatio. Quod n. Magistratus jure exequitur, id ut exequatur, iuste Christianus postulare potest. Plura ap. D. Gerh. d. Mag. §. 271. seq. D. Stegm. d. 19. Phot. q. 3. D. Frantz. vind. d. bon. op. d. 2. f. 9. Timpler. 3. Ethic. c. 1. q. 6. aliosq. vide. Exempla mansuetudinis & clementia Zvinger. vol. 10. l. 1. 2. & vol. 12. l. 1. Manlius Collect. p. 248. seq. habent. Specialiora mansuetudinis media sunt preces, humilitas, & cunctatio. De quib. Conf. D. Balduin. l. 4. d. Conf. c. 17. q. 6. Amel. l. 5. conf. c. 27.

28. Opposita Mansueti: sunt excessus & defectus. Excessus est iracundia, vitium morale in irascendo modum servare nesciens. Ut cum ex levi, a. alienâ causâ, aut nimio modo irascimur. Estq. vel excandescencia, cum facili ratione ad iram delabimur: vel amarulentia, cum iram conceptam diu

*& occultè fovemus: vel difficultas, asperitas, & implacabilitas, cum sine vindictâ ira non sedatur. Exempla Zving. vol. 10. l. 3. 4. habet. Defectus est stupiditas & lentitudo, cum nec, ubi moraliter decet, irascimur. Est q̃, vel generalis, qua in omni statu adhibetur: vel specialis, qua vel in Politico, & dicitur conniventia, cum Magistratus omnibus sceleribus connivet: vel Oeconomico, & dicitur indulgentia, cum parentes nimis leniter tractant liberos. Exempla Zving. c. 1. l. 5. habet. Quodnam deterius, iracundia an lentitudo, & quodnam magis mansuetudini repugnet, quare hîc solet? Iracundia magis est opposita mansuetudini, quàm lentitudo, quia magis ab illâ recedit, hac propius accedit: Illa magis turbat societatem humanam, quàm hac: magis ferina & beluina est, quàm hac: & frequentius circa illâ peccatur ab homine, quàm hanc: itaq̃ & deterior hâc. Sed & lentitudo insigne in homine vitium est, facit n. velut mancipium, & ad res gerendas penitus ineptum, cum ira interdum cos fortitudinis esse queat. Et valet hîc illud: Malè vivitur, ubi nihil licet: pejùs, ubi omnia. Vnde rectè Archidamidas cuidâ Charillum prædicanti, quòd erga omnes pariter mitis ac mansuetus esset, quâ fronte, dixit, laudetur aliquis, qui erga sceleratos se mitè prabeat? Eras. l. i. apoph. p. 83. Oportet mansuetudinē junctam esse justitiā. Secus Principis in facinorosos lenitas est in bonos crudelitas. Conf. Camerar. C. l. c. 100. D. Gerhard. d. Mag. §. 308. Et dura sceleratus parciitur, bonos utiq̃ perditumitur, ut Salustius loquitur. Stoici hanc introducunt, dum sapientem ἀπαθῆν & sine ullo affectu esse volunt, & in totū irasci licere negant. Sed ira, ut affectus, sapienti est concedenda, non ut habitus. Plura ap. Kecker. d. 26. Cur. Ph. q. 3. 4. Timpler. 3. Eth. c. i. q. 5. vide.*

*Hac etiam de virtutibus actus cū nostros, cū alienos dirigentibus dicta sufficiant.*

tion  
ere  
and  
re.  
li-  
tor  
are,  
oo  
Ho-  
r h  
pe-  
.



